

Zunḡwire á wakita na a puwetaa YUHANNA

Seydire arge Yaisu slevamite shifa

¹ Náwa ḡá aḡkwa puwakurte ba ḡere wakita na, á ndáhá elva á Dadaamiya na á vante shifa a jirire ge emnde na. Kwaye zlaḡe ba duniya keni ḡaaka, amá ḡane ndza aḡkwa. ḡere ndza ḡa cenaa elva am mbuwe-aara ba ge ḡane, ḡa nanna, ḡa zharanaahe an ice á ḡere, ḡa fetehe antara ba erva á ḡere keni áte ḡane. ² A naba jesaarhe ge elva ḡanna á vanta shifa a jirire ge emnde ḡanna á katafke á ḡere á ba am parakkire, daaci ḡa zharanaahe. Adába una ḡanna, ḡá aḡkwa maga seydire-aara, ḡá aḡkwa ḡalakurá elva á shifa na á zleka na. ḡane ndza á ḡá antara Eddemiya Dadaamiya am samaya. Daaci kina wá, a maramiyansehe ge Dadaamiya áte ice á miya baḡemme. ³ Ba duksa na ḡa naanaa ḡere, antara ḡa cenanaa ḡere na, ḡá ḡalakurá ba una ḡanna, geni kure keni kwá gevge palle antara ḡere, ba seke una gaḡerevge palle antara Eddemiya Dadaamiya, ira Egdza-aara Yaisu *Almasiihu na. ⁴ ḡá aḡkwa puwakurte duksa-aha ḡanna, geni a naatenáhá ervaunḡe á miya an higa.

Dadaamiya ḡane parakkire

⁵ Dadaamiya wá, ḡane parakkire, ḡaaka tabedammire ḡekidfeke am tate na aḡkwa ḡane

átekwa. Una ɲanna wá, labáre na ɲa ce-nanaa am mbuwe á Yaisu *Almasiihu geni ɲá balakurán ge kure. ⁶ Má mí bánba geni miya antara Dadaamiya jamiyammeje am ervaunɗe palle, amá ámbera mí zláá am tabedammire wá, una wá, ma emnde a fida am elva-aha á miya, antara am slera-aha á miya bademme, magamika jirire ɗekideki. ⁷ Amá má mí zláá an parakkire ba seke una Dadaamiya ɲane an parakkire na wá, mi gevge palle, uzhe á Yaisu Almasiihu *Egdza á Dadaamiya á bezamiya haypa-aha á miya bademme.

⁸ Má bamiyánba baaka haypa á miya, una wá, mi keɗanaa ba miya ire á miya, baaka jirire á Dadaamiya am ervaunɗe á miya ɗekideki. ⁹ Amá má mi balese haypa-aha á miya á segáshe, daaci Dadaamiya keni á yamiyaareye bademme. Adaba ɲane Dadaamiya á jirire, ma a ndaase uwe keni, sey á gevge. Daaci á de gamiyanvege ba ɲane ervaunɗe á miya dzayye, am kelaa haypa na mi maganaa miya bademme. ¹⁰ Má bamiyánba baaka haypa na mi maganaa miya, una ɲanna, amaana: mi faare fidire ge Dadaamiya, eksamiyanteka elva-aara an ervaunɗe á miya palle.

2

**Almasiihu a sawa ge se melamiyumele*

¹ Náwa yá puwakurte una-aha na wá, ba geni magauka haypa mázla-aara egdzara-aaruwa. Amá ma a guwa ware haypa keni, aɲkwa slet-samiyemtse am iga áza Eddemiya Dadaamiya, ba

ɲane una Yaisu *Almasiihu edda á jirire. ² Adɓaba ɲane a yaa ba shifa-aara sadake ge miya, lauktu Dadaamiya a yamiyaare haypa-aha á miya. A yamiyaare ba ge miya palle-ka, amá á kátá yateraare ge emnde a duniya baɗemme.

³ Má mi fansaarefe ge Dadaamiya am shairiya-aha-aara baɗemme, mi diyeddiye áte una ɲanna geni diyamidiya ɲane. ⁴ Má bánba edda-aara diyaadiya Dadaamiya, amá á fansaareka am elva na a ndahanaa ɲane, edda-aara slefida, ɓaaka jirire-aara. ⁵ Amá edda una ɲanaaɲa elva na á ndahaná Dadaamiya, ámbera á fansaarefe, ba ɲane una wayaawáya an Dadaamiya an er-vaunɗe-aara baɗemme. Daaci mi diyeddiye áte una ɲanna geni gamiyevge emnde á Dadaamiya. ⁶ Má bánba edda-aara ɲane á njá á ba áte vuwa á Dadaamiya, sey a dabetefaba ɲane keni zláláva á Yaisu Almasiihu.

Shairiya á Dadaamiya a jaare áɲwaslire

⁷ Slakate-aha-aaruwa, elva na náwa yá anƙwa puwakurta iya na wá, gevka shairiya na a jaare áɲwaslire á sawa áza Dadaamiya; ba duksa palle antara una kwa cenaná kure zuɲɲwire. Shairiya ɲanna, kwa cenán kinekineka, ba shairiya á Dadaamiya na kwa cenanaa am fantaufe na. ⁸ Amá ba seke áɲwaslire tsa shairiya á Dadaamiya ɲanna ya puwakurte iya na. Zláláva á Yaisu *Almasiihu, antara ba náza á kure á kwaramise ba jirire á shairiya ɲanna. Anƙwa á zlálá tabedammire, samsa parakkire á sem kela-aara.

⁹ Daaci má bánba edda-aara, ɲane am parakkire, amá ámbera á maga kelaadire áte

egdza emmeɲara wá, diyaweddiye geni ɲane zlaɓe á ba am tabedammire-aara sem vatena.

¹⁰ Amá edda una wayaawáya an egdza emmeɲara, ɲane á njá am parakkire, baaka duksa am ervaunɗe-aara na ni á de ja ɲane áte unɲule.

¹¹ Amá edda una á maga kelaadire áte egdza emmeɲara, ɲane zlaɓe á ba am tabedammire sem vatena. Bademme a názena á maganá ɲane, á maganá á ba am tabedammire. Máki á zlála, ma á deme keni diyaaka. Adaba á nánka ice ge tabedammire.

¹² Egdzara-aaruwa, náwa yá puwakurte una na wá, adaba yakuraareye Dadaamiya haypa-aha á kure adaba zhera á Yaisu Almasiihu.

¹³ Ekkure dada-aha, yá puwakurte una na wá, adaba diyakurdiya edda una kwaye á ba am fakta á duniya keni, ɲane ndza á ba aɲkwa. Ekkure dawalaa, yá puwakurte una, adaba shakuránsha midalire arge Shaitaine.

¹⁴ Ekkure egdzara-aaruwa, yá puwakurte una zlaɓe á daliye, adaba diyakurdiya Eddemiya Dadaamiya. Ekkure dada-aha, yá puwakurte una, adaba diyakurdiya edda una kwaye zlaɓe á ba am fantaufe keni, ɲane ndza aɲkwa na. Ekkure dawalaa, yá puwakurte una, adaba kwá an ndzedá jipu, ɲakurnaaja elva á Dadaamiya an ervaunɗe á kure palle, shakuránsha midalire arge slekse á tabedammire.

¹⁵ A badakuruka duniya, antara kazlaɲa-aara. Edda una wayaawáya an kazlaɲa á duniya wá, baaka waya-aara ge ɲane áte Eddemiya Dadaamiya. ¹⁶ Náwa ɲane zlála wa á njá á duniya: emnde tá aɲkwa adaba ba názena á

kataná ervaunđe-aatare. Baďemme á názena zharaná itare, tá kátá ma ba á jerje am mba-aatare keni, ámberá tá máráva jipu an názena am erva-aatare ɲanna. Daaci baďemme á unaha ɲanna, kazlaɲa á duniya saaka áza Ed-demiya Dadaamiya. ¹⁷ Diyaweddiye geni watse á zla duniya, antara názena á duwa ice á emnde amkwa baďemme. Amá ge edda una á maga ba názena á kataná Dadaamiya na, ɲane á de njá an shifa ba ge ɔekidėki.

*Faufa hyema tá aɲkwa kelaade-aha á Yaisu *Almasiihu*

¹⁸ Egdzara-aaruwa, zamane á miya na wá, mi herzhe an zle á duniya. Ba seke una ndza cenakuráncena geni watse tá sawa kelaade-aha á Yaisu *Almasiihu má herzhapteherzhe zle á duniya na wá, ba kina keni kwakya kelaade-aha á Almasiihu jarsaareje, daaci mi dise á ba áte una ɲanna geni mi herzhe an zle á duniya ba jirire. ¹⁹ Emnde ɲanna ndza tá á ba am dágave á miya, amá ba jirire garevka palle antara miya ɔekidėki. Adaba una ɲanna ta naba sesehe am dágave á miya. Ma andze ta palle an miya wá, ma andze tá degasheka am dágave á miya. Amá a de jaare una na wá, ba geni tá diyeddiye átekwa, geni garevka palle antara miya.

²⁰ Amá ge kure, Yaisu *Almasiihu a vakurte Shedėkwe Cudėdė. Adaba Shedėkwe ɲanna wá, diyakurdiya jirire baďemme. ²¹ Ya puwakurte una na wá, ganakini diyakurka jirireka, diyakurdiya jirire. Zlaɓe ádalije,

diyakurdiya geni tara fida, antara jirire wá, tá taa jammeka am slede palle.

²² Ware ñane una slefida na? Ba edda una eksarka geni Almasiihu na wá, ba ñane una Yaisu a eksesaa Dadaamiya geni ñane á se lya emnde; ira á fetarka áte Eddemiya Dadaamiya, antara Egdza-aara. Edda-aara wá, ba ñane una kelaade á Almasiihu. ²³ Edda una eksarka geni Yaisu *Egdza á Dadaamiya, amaana: baaka Eddeñara Dadaamiya am ñane. Amá edda una eksaarekse geni Yaisu Egdza á Dadaamiya wá, ba ñane una Eddeñara Dadaamiya am ñane.

²⁴ Amá kure wá, wawauwáwa geni kwá ñanaaṅa an ervaunḡe á kure palle elva ñanna kwa cenaanaa am fantaufe na. Má ñakurnaaṅa baḡemme elva ñanna kwa cenaanaa am fantaufe na, kure keni kwá aṅkwa njá áte vuwa á *Egdza á Dadaamiya, ira Eddeñara Dadaamiya. ²⁵ Náwa *Almasiihu a ṅuḡamiyaa namána ge miya, geni á vamite shifa na á njá ba ge ḡekideki na.

²⁶ Baḡemme a názena yá puwakurta iya na wá, yá puwakurta arge emnde na tá keḡakurá áte unḡule a jirire na. ²⁷ Amá ge kure wá, Almasiihu a vakurte Sheḡekwe-aara aṅkwa á ba am kure. Aḡaba una ñanna, kwa baaka an wedera á ura umele ge mbakurse duksa, aḡaba Sheḡekwe na a vakurtaa Almasiihu na aṅkwa am kure, á mbakursá ñane duksa baḡemme. Duksa ñanna á mbakursá ñane na keni baḡemme jire, baaka fida am huḡe-aara ḡekideki. Aḡaba una ñanna, fawansaarefe ba

ge ɲane am názena á mbakursá ɲane baɗemme, njawinja antara Yaisu Almasiihu.

²⁸ Daaci ba estuwa egdzara-aaruwa, njawinja á ba antara ɲane am ervaunɗe á kure, lauktu á de wamika lyáwá, ma zherwe keni ge de katafke-aara vacite na má de samsa ɲane. ²⁹ Diyakurdiya geni Yaisu Almasiihu ɲane slejirire á Dadaamiya. Daaci diyaweddiye geni, ma a maganaa ware jirire á Dadaamiya keni, ɲane keni ba egdza á Dadaamiya.

3

Miya ma egdzara á Dadaamiya

¹ Zharauzhára wáyáva yaikke na á wayamiya Eddemiya Dadaamiya an ɲane, haa á ɗahámiya an egdzara-aara, ba kina keni gamiyevge ba egdzara-aara ɲanna ba jire. Emnde a duniya diyarka geni mi egdzara á Dadaamiya, aɗaba uwe? Ba aɗaba diyarka ɗekiɗeki Eddemiya Dadaamiya ɲanna. ² Slákáte-aha-aaruwa, kina wá, gamiyevge egdzara á Dadaamiya ba jirire, amá ma watse mí de geva estara keni diyamika. Názena mi disa miya palle wá, má de saasa *Almasiihu wá, mí de gárava antara ɲane, aɗaba mí de nanna an ice á miya parakke ma estara ɲane keni. ³ Ma ware keni edda una a fa tama estuwa áte Yaisu Almasiihu, sey á gevge cudeɗɗe: á maŋka haypa ba seke una ɲane keni slecudeɗɗe.

⁴ Edda una á maga haypa, á maga ba baakire á fansaare ge shairiya á Dadaamiya, aɗaba má tá fansaareka ge Dadaamiya am shairiya-aara,

haypa-ɲara ba ɲane. ⁵ Diyakurdiya sawa á Yaisu Almasiihu á sem duniya wá, a sawa geni á se jaminaaja haypa-aha á miya. ɲane an ire-aara, maganaaka haypa ɔ́kideki. ⁶ Daaci ma ware keni, edda una á njá áte vuwa á Yaisu Almasiihu, sey á yánya mága haypa. Amá edda una á de ba katafke an haypa-aha-aara, amaana: nánka Yaisu Almasiihu, diyaaka Yaisu Almasiihu ba ɔ́kideki keni.

⁷ A kedarakuraaka emnde ekkure egdzara-aaruwa. Edda una á maga ba jirire á Dadaamiya, ɲane slejirire ba seke una Yaisu Almasiihu slejirire na. ⁸ Má ura yánka mága haypa-aha-aara, ɲane ura á Shaitaine. Adaba Shaitaine ɲane á gá ba haypa kwaye am fakta á duniya. Una ɲanna pute á sawa á *Egdza á Dadaamiya á sem duniya, geni á se kedanaakeda slera-aha á Shaitaine bademme.

⁹ Má ware keni má gevge egdza á Dadaamiya á geka haypa mázla-aara, adaba shifa a jirire na a vantaa Dadaamiya na aɲkwa am ɲane. Á dzegwánka de katafke an haypa-aha-aara adaba gevge egdza á Dadaamiya. ¹⁰ Náwa názena tá de diyeddiye átekwa garava á egdzara á Dadaamiya, antara egdzara á Shaitaine: Ma ware keni má á maɲka jirire á Dadaamiya, ɲane gevka egdza á Dadaamiya. Ba duksa palle antara edda una wayaaka an egdza emmenjara na keni.

Wayaumiyaavewáye an jirire

¹¹ Náwa názena kwa cenanaa kure am fantaufe á kure ge cena elva á Dadaamiya, a ba ɲane: sey mi wayaavewáye am dágave á miya.

¹² Gawamiyevka seke Kayinu na ɲane ndza ura á Shaitaine slemándzawe na, ɲane a naba ja shifa á egdza emmeɲara ba ge ɲane. A janaa adaba uwe shifa-aara? Adaba bademme á názena ndza a maganaa Kayinu ɲanna, ndza shagerka, amá náza á egdza emmeɲara wá, ndza shagera.

¹³ Egdzar mama-aha-aaruwa, máki emnde a duniya tá fá kelaadire áte kure wá, magauka najipu-aara. ¹⁴ Miya kina wá, diyamidiya geni jamiyaaveje am tate a emtsa, shamiyánsha shifa-aha á miya. Mi dise estara una ɲanna? Mi dise adaba wayamiwáyá egdzar mama-aha á miya. Edda una wayaaka an egdzar mama-aha-ɲara wá, ɲane zlaɓe tegaraaveka an emtsa. ¹⁵ Ma ware keni, edda una á magante kelaadire ge egdza emmeɲara, ɲane ta ba kalkale antara sleceɓa shifa á emnde. Diyakurdiya geni sleceɓa shifa wá, ɲane zlaɓe shánka shifa na á nja ba ge dekiɓe na am ɲane. ¹⁶ Yaisu *Almasiihu wá, ɲane wayamiwáyá. Am a sawhe, a se yaa ba shifa-aara adaba miya. Mi dise áte una ɲanna wáyáva a jirire áte emnde umele. Daaci miya keni shagera mi yánya ba shifa á miya keni adaba egdzar mama-aha a miya. ¹⁷ Amá ma ware keni má gevge berba an nalmáne á duniya na, á zhára egdza emmeɲara am baakire, aley zanvaareka, daaci á ndahaná estara geni wayawáyá an Dadaamiya? ¹⁸ Egdzar mama-aha-aaruwa, estuwa, wayawamiyaaveka á ba an we, amá wayawamiyaavewáye á sawa am ervaunɗe, ámberá mi emmága an jirire.

Egdzara á Dadaamiya tá de gazleka á katafke-aara

¹⁹ Názena kwa cenanaa kure na, mi diyed-diye átekwa geni ma egdzara á slejirire; zlafe ádaliye, ervaunđe á miya keni an ekhya á katafke-aara. ²⁰ Ma anƙwa á ndamindhá deme ervaunđe á miya geni mi magaa haypa keni, ervaunđe á miya á njá á ba an ekhya á katafke á Dadaamiya, adaba yaikke ba Dadaamiya arge ervaunđe á miya. Nane diyaadiya duksa bademme. ²¹ Daaci slakate-aha-aaruwa, má ba jirire á dzegwánka ervaunđe á miya ge mbedamiya an shairiya wá, daaci a gazleka ervaunđe á miya ge de katafke á Dadaamiya mázla-aara. ²² Bademme á názena mi nalanaa miya ázenara keni á vamiteva, adaba má anƙwa fansaare ge shairiya-aara, antara mi maga názena á kataná nane bademme. ²³ Náwa shairiya-aara nanna: Mi fetaare áte Egdza-aara Yaisu *Almasiihu, antara mi wayaavewáye ba seke una a ndaamiya nane. ²⁴ Slefansaarefe ge Dadaamiya am shairiya-aara maa, nane slenjá á ba áte vuwa á Dadaamiya, Dadaamiya keni anƙwa antara nane. Diyamidiya geni anƙwa Dadaamiya antara miya, adaba á baminá ba Shedekwe-aara na a famimaa nane am ervaunđe.

4

*Lawanaale tara Shedekwe á Dadaamiya antara shedekwe á kelaade á *Almasiihu*

¹ Slakate-aha-aaruwa, má dámnda ura á dezekure, a ba nane á ndáhá elva an hákuma

á Shedefkwe á Dadaamiya wá, fawtaareka watsewatse, amá lawanaale emtsaade, bi Shedefkwe á Dadaamiya á jirireka una am ñane, amá názá kelaade-aara. Yá ndahaná aǎaba uwe una? Aǎaba tá ańkwa nabi-aha fida kwakya am duniya. ² Náwa názena ni kwá dise edda una an Shedefkwe á Dadaamiya átekwa: Máki bánba edda-aara geni samsa Yaisu *Almasiihu á sem duniya, a se gev urimagwe wá, ñane an Shedefkwe á Dadaamiya jirire. ³ Amá má kwalevkwále edda-aara ge ndáhá una áte Yaisu Almasiihu wá, shedefkwe na am ñane na saaka áza Dadaamiya, ñane an shedefkwe á kelaade á Almasiihu. Shedefkwe ñanna wá, ndza kwa cenáncena geni á de sawa. Ba kina keni ñane ańkwa á ba am duniya.

⁴ Amá kure egdzara-aaruwa, kwa emnde á Dadaamiya, shakuránsha midalire arge nabi-aha á fida ñanna. Aǎaba Shedefkwe na am ervaunǎe á kure na jauje ge shedefkwe na am ervaunǎe á emnde a duniya na an ndzedá. ⁵ Nabi-aha fida ñanna wá, itare ta náza-aha á duniya. Aǎaba una ñanna tá ndáhá ba elva á duniya, daaci emnde a duniya keni tá cenatervaarecene. ⁶ Amá miya wá, mi emnde á Dadaamiya. Edda una diyaadiya Dadaamiya wá, á cena elva á miya keni. Amá edda una gevka ura á Dadaamiya wá, á ceneka elva á miya. Mí laná estuwa edda una an Shedefkwe á slejirire, an edda una an shedefkwe á keda emnde.

Dadaamiya á mbamise wáyáva jirire áte emnde

⁷ Slakate-aaruwa, wayaumiyaavewáye am dágave á miya. Adaba á maganá ba Dadaamiya geni tá wayaavewáye emnde am dágave-aha-aatare, antara tá wáyá ñane keni. Má mi wayaavewáye áte una ñanna, una ñanna á mára una ni gamiyevge egdzara á Dadaamiya, diyamidiya Dadaamiya. ⁸ Amá ma ware una á maŋka wáyáva áte una ñanna, edda-aara diyaaka Dadaamiya. Adaba Dadaamiya slewáyáva. ⁹ Náwa názena a maraminaa Dadaamiya ba parakke, geni ñane wayamiwáyire: Ñane a belaa Egdza-aara palle ba ñane á sem duniya, geni á se vamite shifa á jirire. ¹⁰ Náwa názena á maramiya wáyáva á jirire: Miya gamiyevka emnde zuññwe ge wáyá Dadaamiya, amá a wayámiyá ñane zuññwe. Ñane a naba belaa Egdza-aara geni á se emtsemtsa am duniya adaba miya, lauktu á yamiyaareye haypa-aha á miya.

¹¹ Slakate-aha-aaruwa, ba seke una ni a naba wayamitehe ge Dadaamiya na wá, miya keni sey mi wayaavewáye am dágave á miya ba shagera. ¹² Baaka ura ndza nanna Dadaamiya deki deki, amá má mí wayaavewáye am dágave á miya wá, Dadaamiya keni á njá antara miya. Daaci wáyáva-aara na a wayámiyaa an ñane na, á de njá am miya ba jirire.

¹³ Dadaamiya a naba vamite Shedekwe-aara. An una ñanna, diyamidiya ganakini má an ñane, ñane keni an kwa an miya. ¹⁴ Ba miya an ice á miya namiyanna, Eddemiya a belaa Egdza-aara á sem duniya geni á se lya emnde. Mí balaterán

ge emnde kina geni elva ɲanna jire. ¹⁵ Ma a ndahesaa ware geni Yaisu *Egdza á Dadaamiya wá, Dadaamiya aɲkwa antara ɲane, ɲane keni á njá á ba áte vuwa á Dadaamiya. ¹⁶ Nere wá, diyaɲerdiya geni Dadaamiya wayaɲerwáya. Faɲertaarefe áte una ɲanna. Dadaamiya ɲane slewáyáva. Edda una á njá an wáyáva, ɲane gevge slenja áte vuwa á Dadaamiya, Dadaamiya keni aɲkwa antara ɲane.

¹⁷ Náwa názena mi dise átekwa geni wayamiwáyá an Dadaamiya á ba an jirire: Una ɲanna ba njá á miya am duniya, mí njá ba seke názá á Yaisu *Almasiihu. Daaci vaci shairiya, á de gazleka ervaunđe á miya ɔekideki. ¹⁸ Má Dadaamiya wayaawáyá ura, baaka lyawa ge edda-aara ɔekideki. Adaba wáyáva á Dadaamiya á janaaja lyawa baɔemme. Má ura á njá an lyawa wá, amaana: ba seke ɲane wá, aɲkwa bikere-aara ge ɲane ɲánaaɲa shairiya. Daaci má ura á njá an lyawa, á seska námpire á wáyáva á Dadaamiya arge ɲane ɔekideki.

¹⁹ Miya wá, a wayaamiya ba Dadaamiya zunɲwe. Adaba una ɲanna wayamiwáyá an Dadaamiya, antara wayamiyaavewáye am dágage á miya. ²⁰ Má bánba edda-aara wayaawáyá an Dadaamiya, amá á maga ke-laadire áte egdza emmeɲara, ba fida á edda-aara. Adaba má edda-aara wayaaka an egdza emmeɲara na aɲkwa á zharaná an ice-aara, á de dzegwáná estara wáyá Dadaamiya na nánka ɔekideki? ²¹ Náwa shairiya á Dadaamiya na mi shanaa miya ázeɲara, a ba ɲane: Edda una

wayaawáyá Dadaamiya, sey a ewwáyá an egdza emmeṅara keni.

5

Fetarfire wá, sha midalire arge lámara á duniya

¹ Ma a fetaara ware geni Yaisu wá, ṅane *Almasiihu, edda-aara egdza á Dadaamiya. Ma ware una wayetewáyá daada, á wayetewáyá egdzara-aara keni. ² Náwa názena ni mi dise átekwa geni wayamiwáyá an egdzara á Dadaamiya: una ṅanna, ba má wayamiwáyá an Dadaamiya, ira má mi fansaarefe am shairiya-aha-aara. ³ Má mí maga názena á baminá Dadaamiya am shairiya-aha-aara na wá, ṅane ṅara á mara una ni wayamitewáyá Dadaamiya á ba an jirire. Daaci shairiya-aha-aara keni á de jamiviyaareka. ⁴ Adaba bademme á egdzara á Dadaamiya, tá an ndzedá jipu ge sha midalire arge lámara á duniya. Mí de sháná estara midalire ṅanna? Mí de sháná an fetarfire á miya na ni mi fetaare áte Yaisu Almasiihu na. ⁵ Ware edda una slemidala arge lámara á duniya? Sey ba edda una fetarfe geni Yaisu Almasiihu ṅane *Egdza á Dadaamiya.

*Seydire arge Yaisu *Almasiihu*

⁶ Yaisu *Almasiihu a sawhe á sem duniya, a demhe am yáwe á baptisma, a naba puwaa uzhe-aara áte dzaṅgala, a emtsehe. Sey ba a dema am yáwe-ka palle, amá a puwaa uzhe-aara. Shedekwe á Dadaamiya á ba an ire-aara a magaa seydire-aara geni una ṅanna jirire,

ba kangelanje. Adaba nane wá, á baterá ba jirire bademme ge emnde. ⁷ Ankwa duksa-aha keye tá maga seydire áte Yaisu, geni nane *Egdza á Dadaamiya. ⁸ Duksa-aha keye nanna wá, ba Shedekwe á Dadaamiya, antara yawe á baptilisma, ira uzhe á Yaisu. Bademme á unaha nanna, tá mára ba duksa palle. ⁹ Má emndimagwaha tá ankwa á magamiya seydire áte názena ta naaná itare, mí lyiya elva-aatare. Daaci diyaweddiye geni náza á Dadaamiya wá, názena a maganaa nane, seydire-aara jauje ge una tá maganá ba emnde. Adaba ba nane an ire-aara una a magaa seydire an duksa-aha nanna arge Egdza-aara. ¹⁰ Edda una lyevaalya Egdza á Dadaamiya wá, seydire á Dadaamiya na keni lyevaalya am ervaunje-aara geni bademme jire. Amá edda una lyiyaaka seydire á Dadaamiya, a faare fidire ge Dadaamiya, adaba lyiyaaka názena a ndahanaa Dadaamiya arge Egdza-aara. ¹¹ Seydire á Dadaamiya nanna wá, nane a vamite shifa na á zleka na. Shifa nanna wá, mí sháná áte erva an Egdza-aara. ¹² Daaci edda una ankwa Egdza á Dadaamiya am nane, shánsha shifa nanna, edda una baaka Egdza á Dadaamiya am nane wá, shánka shifa.

Shifa na á zleka na

¹³ Ya puwakurte duksa-aha nanna ge kure na fakurtaarefe áte *Egdza á Dadaamiya, ganakini kwá diyeddiye geni kertenj ankwa shifa na á zleka na am kure. ¹⁴ Á katafke-aara, baaka lyawa á miya dekideki, adaba diyamidiya ba jirire geni, ma mí njala ba uwe ázenára keni, á

cenamivaarcene, máki mí ñalaná áte namaari-aara. ¹⁵ Máki diyamidiya ganakini anƙwa á cenamivarcene ma mí ñala ba uwe ázeñara keni wá, daaci diyamidiya geni á vamiteva duksa ñanna mi ñalanaa ázeñara ñanna.

¹⁶ Má ura nanna egdza emmeñara á maga haypa, shagera ba á ñala Dadaamiya adaba ñane. Daaci Dadaamiya keni á de vante shifa ge egdza emmeñara ñanna. Amá anƙwa haypa da ura á dem emtsa, ndanakurka ya geni ñalaunáala Dadaamiya arge emnde na tá maga jeba á haypa ñanna. Una ñanna sey ba ge emnde na ta gu ba haypa na á dánka ura á dem emtsa na.

¹⁷ Baɗemme a shagerkire na tá maganá emnde na wá, haypa áza Dadaamiya. Amá anƙwa haypa na á dánka ura á dem emtsa.

¹⁸ Diyamidiya geni ma ware keni, máki gevge egdza á Dadaamiya wá, á duka á de katafke an mága haypa-aha-aara, amá Yaisu *Egdza á Dadaamiya á tsufa ba ñane. Daaci baaka názena á eksáná Shaitaine áte ñane ɗekideki.

¹⁹ Diyamidiya geni miya ma egdzara á Dadaamiya, amá emnde umele am duniya wá, baɗemme tá á ba am erva á Shaitaine.

²⁰ Diyamidiya geni Egdza á Dadaamiya a sawhe á sem duniya, a se vamitaa ñane enƙale geni mi diyeddiye Dadaamiya á jirire. Miya wá, gamiyevge emnde a njá an Dadaamiya á jirire adaba Egdza-aara Yaisu *Almasiihu, ba ñane una Dadaamiya á jirire ñanna, á vamita ñane shifa na á zleka na.

²¹ Tsufautsufa ire á kure egdzara-aaruwa, magauka hele.

Wakita á Dadaamiya
La Bible en wandala

copyright © 1999 Wycliffe Bible Translators, Inc.

Language: (Wandala)

Contributor: Wycliffe Bible Translators, Inc.

All rights reserved.

2020-12-01

PDF generated using Haiola and XeLaTeX on 21 Feb 2024 from source
files dated 29 Jan 2022

dec75dd5-4784-5059-aa00-668d508a6b0d